

ԵՆՐՈՎԱՅՈՒՄ ԲԱԳԱՐԱՆԱՄԻՊ ԿԱՌՈՒՍՈՒՄԸ ԲՆԵՐԻ ՍԱՐԱԾՄԱՆ ԽԱՐԿԻ ՇՈՒՐՋՐ

ԱՐՄԷՆ ԶԱՐԵԱՆ

Քրիստոնէութեան վաղադոյն շրջաններէց, Հայաստանում զարգացում դտան եկեղեցական շէնքերի բաղմաթիւ տիպեր: Դ. դարի առաջին տասնամեակում, նոր կրօնը արդէն Հայաստանում պաշտօնականացուել էր: Այդ իրադրութիւնը հնարաւորութիւն է տալիս բացատրելու ամբողջ երկրում առկայ, նոր պաշտամունքին նուիրուած շէնքերի այդքան մեծաթիւ լինելը: Ճարտարապետական առումով, այդ շէնքերը կրօնարուել են երկնով առանցքային նշանակութիւն ունեցող երկու տիպերից՝ բաղիլիկ (Քասաղ, Միծեռնաւանք, Դուին, Երերոյք եւ այլն) եւ կեդրոնակազմ (Էջմիածին, Աւան, Արղնի, Մուլիղ, Մանկանոց, Հառիճ, Իրիկ, Բաղարան): Երկու դիւաւոր տիպեր, որոնց հիման վրայ դասակարգուում է ձեւի հետագայ զարգացումը, առաջանում են ճարտարապետական պարզ ու բաղադրեալ կառուցուածքների տիպաբանական սերիաները:

Շէնքի տիպը հնարաւոր է ընդթափել երբ ճշգրտում են ժանակադրական, պատմական տուեալները, երբ պատմական նշանակութեան հետ կարելի է դառնում մակաբերել տեսական մտածողութիւնը: Ժողովրդի ստեղծած մշակոյթում ձեւը երբեք պատահական չէ, ոչ էլ, բառիս բուն իմաստով, օտարամուտ. նա դարերի ընթացքում կատարուած փորձի ու ճանաչողութիւնների հետեւանք է: Հետեւաբար, եթէ արուեստի պատմութեան հիմնական նպատակներից է բացայայտել կերպարի ծագման հարցերը, ձեւի կազմ-

մաւորմանը մասնակից ամենաընդհանուր օրինաչափութիւնները, այդ առթիւ անբաւարար է լուկ վերլուծական այն աշխատանքը, որ տանում են մի շարք դիտնականներ, այն սլարդ նպատակով, որ պէսդի պարզեն շէնքի կամ նրա տարրերի կապակցութիւնները այլ մշակոյթների հետ: Այս իմաստով, որոշ դիտնականներ մեկնաբանում են բազիլիկաների, նոյնիսկ կեդրոնակազմ կառուցուածքների առաջացումը Հայաստանում, սահմանափակուելով լուսաբանել ազդեցութիւնների այն ճանապարհները, որտեղից եւ մուտք են գործել շէնքերի այդ տիպերը (Սիրիա) որպէս նոր կրօնի հետքերով ներմուծուած կառուցուածքներ (1):

Արդ, այս թեմայի կապակցութեամբ, փորձենք առաջ քաշել ուշադրաւ մի այլ խնդիր, որը կարող է որոշ չափով նպաստել ճարտարապետական ձեւերի առաջացման հարցը պարզաբանելուն: Խնդիրը հետեւեալն է. ձեւի կազմաւորման ճանաչողութիւնը կապուած է արխետիպի դադափարին: Արխետիպը, որպէս ձեւի անդրապատկերում կանգնած է ճարտարապետական տիպերի հիմքում, որպէս ձեւի ու մտքի կապակցութիւնների սկզբնական արտայայտութիւն, առկայ է ու հարազատ ժողովրդի ոգուն: Նա իրողութիւնը պատկերող, շարունակ վերարտադրուող, հնադոյն փորձառութիւնների մտապատկերումն է, արտայայտում է ձեւի տարրական իրողութիւնը եւ նման օրկանական մարմիններին, օժտուած է դարձանալու տինամիկ ուժով: Արտացոլում է մինչեւ ոճ դառնալու կատարելութիւնը չմշակուած ձեւի տարրական իրողութիւնը: Տիպարանական սերիաները դասաւորուած են ելնելով ճարտարապետական ձեւերին յատուկ որոշ իւրայատկութիւնների հիման վրայ, որոնք ամենապարզ ձեւով առկայ են նախատիպերի մէջ: Մինչդեռ արխետիպը ունի երբեմն երկու կամ աւելի նախատիպերին յատուկ ընդհանուր յատկանիշեր, օրինակ՝ քառասուն, երդիքով ծածկուած քառակուսի տարածութիւնը պատկերում է դարեր շարունակ կրկնուող շինականի տունը, որը միաժամանակ կարող է արխետիպ համարուել թէ՛ էջմիածնի Կաթողիկէի, Բագարանի եւ թէ՛ դաւիթների տիպերի համար: Արխետիպի էութեան առանձնայատկութիւնները կարող են երկարատեւ ժամանակ թաքուն մնալ, կամ բացայայտուել սոցիալական ու մշակութային միջավայրի բարենպաստ ազդեցութեան շնորհիւ, ու, դրանով իսկ, արխետիպից առաջացած կազմաւորուած ձեւը, դառնալ՝ պատմական իրականութեան հարազատ արտացոլում:

1) A. Grabar, MARTYRIUM, Paris, 1946. A. Khatchatrian, *L'Architecture Arménienne du 4ème au 6ème siècle*, Paris, 1971.

Ստեղծագործօրէն առաւել աշխոյժ պատմական շրջաններում չէնքերի տիպարանական ընտրութիւնը կատարւում է այդ շրջանին յատուկ հասարակարգի կազմով. ձեւը ստանում է պաշտօնական հաստատում: Նման պայմաններում, սակայն, որոշ ձեւեր պահպանւում են, բայց չեն դարդանում: Օրինակ, հեթանոսական դամբարանների (վիմափոր կամ ստորդետնեայ) խաչաթեւ կազմը որպէս ճարտարապետական ամբողջացուած կերպար, դարգացում դառաւ շատ աւելի ուշ՝ վաղ միջնադարում:

Կայսերական Հռոմի անկման սկզբնաշրջանում, անցեալի իտէալներ պատկերող, կեանքը խորհրդանշող, բայց քաղաքական սլահանջների հետեւանքով արժէքազրկուած ճարտարապետական ձեւերը քրիստոնէութեան տարածման հետ, նոր իմաստաւորում ստացան: Ճարտարապետութեան պատմութեան համար ամենադժուարին հարցերից է քրիստոնէական պաշտամունքային չէնքերի կազմաւորման հարցը: Ե. դարից սկսած մենք տեսնում ենք արդէն կատարելութեան հասած չէնքեր, որոնց նախապատրաստող ընթացքը, նրանց վաղապոյն փորձառութիւնները, մեզ անծանօթ են: Ձեւաբանական իմաստով մեծ նշանակութիւն ունի շինարարական տեխնիկան, տեսական մտածողութիւնը, սոցիալական եւ կրօնական նշանաբանումը: Մանօթ է, թէ ինչպէս քրիստոնէութեան վաղադոյն շրջաններում յարատեւեց հեթանոս հերոսների պաշտամունքը, կապակցութիւն հաստատուեց հերոսի պաշտամունքի ու նոր կրօնի համար դժուար ժարտիրոսի պաշտամունքների միջեւ: Մէկից միւսին անցումը կատարուեց արժէքների աստիճանական դասաւորման եղանակով, այսինքն՝ մեկինեւ ժառանգուածից, բարձրանալ, հասնել մինչեւ դերադոյնը: Ճարտարապետութեան բնագաւառում աստիճանաւորման եղանակը նշանակեց՝ հեթանոսական ձեւերի փոխանցումը քրիստոնէական ճարտարապետութեանը: Ժողովուրդը շարունակում էր կառուցել դամբարանները, նրանց ձեւը հաւանաբար կապուած էր արխետիպերին ու երբ տարածում դառաւ քրիստոնէութիւնը, անցեալի հերոսների պաշտամունքը միաձուլուեց նոր կրօնի մարտիրոսների պաշտամունքին, հեթանոսական յիշատակարան-դամբարանը (կեդրոնակազմ, խաչաձեւ) փոխանցուեց քրիստոնէական ճարտարապետութեանը, դարձաւ մարտիրոսների վկայարանը՝ մարքիբիոնը:

Հայաստանում, ինչպէս եւ հռոմէական աշխարհում, առաջացող նոր մշակոյթը (որը արուեստի պատմութեան համար տեսւում է Գ.—Դ. մինչեւ Ե.—Ջ. դարերը եւ կոչւում է ուշ անտիկ շրջան) սկիզբ առաւ արուեստի եւ շինարարական գործունէութեան լայնաշունչ

ծրագրով: Հեթանոսական ճարտարապետութիւնից ժառանգուած ձեւերը, շինարարական արուեստի հնարաւորութիւնները չիւրացուեցին մեքենայօրէն, այլ ընդունուեցին որպէս նախադրեալ փորձառութիւններ: Տեսական նոր մտածողութիւնը մեկնաբանօրէն շարունակեց մշակել հեթանոսական շէնքերին յատուկ տարածութեան ենթարաժանոմաների ինչպէս եւ ծաւալային կերպարի կազմը, մղելով զարգացումը մինչեւ այդ ձեւերում, ամփոփուած հնարաւորութիւնների ամբողջական բացայայտումը:

Հռոմէական կայսրութեան ուշ շրջանում դարգացում գտած գմբէթաձեւ շրջանաձեւ յատկազօծով, կեդրոնից հիմնական ուղղութիւնները ճառագայթող քառանկիւնի կամ կիսաշրջանակաձեւ աբսիդներով դամբարանները՝ Տոր տէ Սկիալի, Տոր Պինյատարա (Հռոմ), Տորրոնէ (Դիվոլի), Դիոկղիտիանոսի դամբարանը (Սպալատո), եղան Ե. դարից մինչեւ ԺԲ. դարը (վերացուեցին Տրենտոյի Ժողովի (16րդ դ.) որոշումով) Եւրոպայում կառուցուած մկրտարանների նախատիպերը: Մկրտարանը որպէս առանձին շէնք, ունեցել է ընդհանրացած տարածում, կիրառուել է զարգացնելով հիմունքային նշանակութիւն ունեցող երեք տիպ՝

- Շրջանակաձեւ, Նոչերա (2. դ.),
- Քառանիստ, ութանկիւնի ծածկ, Սոտերո (Նեոպոլ, Ե. դ.),
- Ութանիստ: Շատ տարածուած ձեւ, նաեւ այն բանի հետեւանքով, որ աւելի յարմարաւէտ էր արարողութիւններին: Միաժամանակ ունէր տիեզերաբանական նշանակութիւն:

Լատերանեան մկրտարանը (վերամշակուած Ե. դ.), Օրթոտոքսների եւ Արիանների մկրտարանը (Ռավեննա), Ս. Նիկա (Էգրա, Սիրիա 532 թ.) եւ ԺԱ.-ԺԲ. դարերի Ֆլորենցիայի, Պիզայի, Պարմայի, Պարենցոյի մկրտարանները օրինակներ են, որոնց միջոցով յարատեւեց յատկապէս կեդրոնական կառուցուածքը:

Ճարտարապետական առումով, եկեղեցու կերպարը նախատիպերի միջոցով մի ուղղութեամբ կապուած է ստորգետնեայ եւ վիճափոր սրահներին, այսինքն, կտոնեան կուլտին պատկանող կառուցուածքներին, միւս ուղղութեամբ Օլիմպիական էակների գերդաստանի հերոսների պաշտամունքային, ինչպէս օրինակ Հայաստանում կեդրոնական կամ տաճարը կամ բաղիլիկան Եւրոպայում, որը յարատեւեց, վերամշակուեց դառնալով ռոմանական ու կոթական ոճերի հիմնական ձեւը:

Դամբարանից եկեղեցի փոխանցմանը նպաստեց նոր հաւատքը. մահը ու կեանքը այլեւս իրարամերժ երեւոյթներ չէին, այլ մէկից միւսին անցնող ընթացք: Հերոսը, մարտիրոսը վերածնունդու

էր եւ նոր կեանք ապրելու: Ստորգետնեայ դամբարանը տեղադրուեց եկեղեցու գլխաւոր խորանի ստորոտում (Հռիփսիմէ, Գայանէ, Շողակաթ), որը ամենահին օրինակներում երբեմն տեղ էր գտնուում դմբէթի տակ (Էջմիածին, Ե. դար): Դամբարան-դմբէթ ուղղաձիգ առանցքի միջեւ ընկած էր պատարադարանը (հեթանոսների բազիլիկ), այսինքն մարդը վերափոխման խորհրդին մասնակից դարձնելու կեդրոնը: Այսպիսով, քրիստոնէութիւնը միացրեց կոտնեան եւ օլիմպիական պաշտամունքների էականը, կարելի դարձուց հեթանոսական տաճարի, դամբարանների կազմը ժառանգել ու վերամշակել որպէս եկեղեցի:

Ազատ թարգմանութեամբ մէջբերենք Ագաթանգեղոսի յիշատակած Գրիգոր Լուսաւորչի տեսիլքից մի հատուած. «Եւ սիւները իրար միացնող չորս կամարների ամբողջութիւնը, կաթողիկէ եկեղեցիի համայնքի հաւասարութիւնն է: Եւ դմբէթը նման երկնային քաղաքին, հաւաքման վայր է երկնքի թաղաւորութեան միաբանութեանը» (2): Այս պատկերը ներկայացնում է ատրուշան: Սասանեան շրջանից (Գ. — Է. դդ.) մեզ են հասել մօտ 50 մեհեան. նրանց ընդհանուր կերպարը, հետեւեալն է՝ քառանիստ յատակադիմ, անկիւններում տեղադրուած չորս ազատ սիւներ, նրանց կապող կամարներ, որոնց վրայ տրոմպերի փոխանցումով յենուած դմբէթ եւ այս ամբողջութիւնը պարփակուած է շրջասրահի մէջ:

Լուսաւորչի տեսիլքը տաճարի ամէն մի տարրին տալիս է յատուկ նշանակութիւն. կամարը՝ մարտիրոսները, տրոմպերը՝ զետեր (փոխանցում), թմուկը՝ երկնային բանակը, դմբէթը՝ զահը:

Չորս կամարների վրայ յենուող դմբէթ-երկնային քաղաքը կեդրոնում բազին-խորանը, կեդրոնակազմ եկեղեցիների կորիզը կազմող սրբատեղին է (ցեղա) որի շուրջը խաչաձեւ ու երբեմն անկիւնազօծով տեղադրուած միւս սենեակները նման են ատրուշանի շրջասրահին: Արդ, Լուսաւորիչը նոր իմաստաւորում տուեց հեթանոսական տաճարից ժառանգուած այդ ձեւին, ու ինչ կարեւոր է՝ պաշտօնապէս հաստատեց նրա իրագործումը:

Տեսիլքի ճարտարապետական մեկնաբանութիւնը համընկնում է Էջմիածնի (Ե. դարի վերակառուցում) կաթողիկէի կերպարին, ինչպէս եւ այդ տիպի հետագայ զարգացման կարեւոր օղակը կազմող Բագարանի կաթողիկէին (624-631 թթ.):

Եթէ ձեւերի միջեւ գոյութիւն ունեցող այս յարակցութիւնները ձեւաբանական իմաստով ընդունելի են, ապա հայր պահպանեց

2) Ագաթանգեղայ Պատմութիւն Հայոց, Թիֆլիս 1914, էջ 380-381:

հեթանոսական մեհեանի կերպարը, բխեցրեց եկեղեցու կազմը տա-
ճարից եւ ոչ թէ մարտիրիոմներէր, այսինքն՝ դամբարաններից։
Կտոնեան հաւատքի համեմատութեամբ գերելիսեց Օլիմպիականը։
Այս մեկնաբանութիւնը, անշուշտ, բացարձակ չէ, սակայն Գրիգոր
Լուսաւորիչի տեսիլքում պատկերուած եկեղեցու էութեան եւ կեր-
պարի (թէկուղ նշանաբանական առումով) իմաստալից վերահաս-
տատումն է։

Եւ—է. դարերում Հայաստանում մշակուեցին բազմաթիւ կեդ-
րոնականացեալ եկեղեցիներ՝ քառանիստ, վեցանիստ, ութանիստ, չրջա-
նաձեւ, հասնելով մինչեւ ծալքաւոր պատերի յատակագծին (Իրինդ,
Զօրավար, (է. դ.) եւ յատկապէս ԺԱ. դարի Հովիւի եկեղեցին)։
Զեւարանական իմաստով քառակուսին եւ չրջանակը երկրաչափական
պարզ պատկերներ են։ Յենակէտ ունենալով կեդրոնը, նրանց մէջ
ներգծուած, բայց եւ նրանց միջոցով շարադրուած են կեդրոնականացեալ
եկեղեցիների բոլոր տիպերը (ծալքերով պատերի թեման տարբեր
է՝ Անիի Հովիւի եկեղեցու առաջին յարկի, կեդրոնից ճառագայթող
վեց ջիւղերը նրանց յենակէտերին համընկնող պատի հատուածները
նախապատկերում են աւելի սիւն—հեծած համակարգին, քան լայնօ-
րէն կիրառուած պաս—ծածկ կառոյցին)։ Այս շէնքերն ունեն թրմ-
բուկի վրայ յենուած դմբէթի ծածկ։ Մաւալների, մակերեսների
համակարգը կանոնաւորուած է ուղղաձիգ կեդրոնական առանցքի
շուրջը։ Առանցքը շէնքի մասերի դասաւորումը, կազմաւորումը,
հետեւաբար ճարտարապետական կերպարը բնորոշող, կայականօրէն
ուժերի բաշխումը հաւասարակշռող իտէալ գիծն է։ Առանցքը ձեւա-
կերպում է երկրաչափական պատկերը, առարկայացնում մարդու
մասնակցութիւնը, եւ որպէս այդ՝ կեդրոնում կանգնած դիտող, ի-
րեն է ենթարկուած սիմետրիկ դասաւորուած ծաւալներին։ Նշենք
նաեւ, որ ամբողջ միջնադարի շրջանում, Եւրոպայում գերելիսեց
բաղիլիկան, կեդրոնականացեալ շէնքերը մի քանի եկեղեցիներից զատ,
մեծ մասամբ մկրտարաններ են։ Իսկ Հայաստանում տիրապետեց
կեդրոնականացեալ դմբէթածածկ շէնքը. բաղիլիկան վերածուեց «գրմ-
բէթաւոր սրահի»։ Այսքանից կարելի է մակարերել հայ միջնադարի
տեսական մտածողութեանը յատուկ երկու յատկանիշ՝ ուղղաձի-
գութիւն եւ կեդրոնականացեալութիւն, որոնք բնորոշ են լինելու մար-
դակեդրոն հայեցողութեանը, դառնալու են վերածնունդի ժամա-
նակ մինչեւ ճանաչողութեան գիտակարգի աստիճան մշակուած «հե-
ռանկարային» արուեստի նախադրեալներ։ Ըարտարապետական ձե-
ւերի կեդրոնականութեան գաղափարը, նրանից մարդակեդրոն հա-
յոցողութեան անցումը, հայը, վաղագոյն շրջաններից, դարձրել էր

առարկայացուած իրողութիւն: Եւ դարձանալի չթուայ, եթէ այս հարցում առնչութիւններ դտնուեն Լէոնարտոյի, նոյնիսկ Ալպերտիի (Դեռ է: Էդլֆֆիկատորիա, դիրք 7-րդ, Ֆլորենցիա 1560 թ.) ու հայ միջնադարեան տեսական մտածողութեան միջեւ: Ճարտարապետութեան բնագաւառում, Լէոնարտոյի էսքիզները ցոյց են տալիս, թէ ինչպէս նրա հետաքրքրութիւնը յատկապէս կեդրոնացուած էր շարունակ կրկնուող մի քանի թեմաների շուրջը: Սրանցից ամենակարեւորը կեդրոնակաղմ եկեղեցական շէնքն է: Այդ դժադրներէց յատկապէս նկատի ունենք Ադրերնհայմ ձեռագրերէց հմ. 2037, 3-րդ թերթի դժադիրը՝ քառանիստ յատակագիծ, զլիսաւոր առանցքների ուղղութեամբ կողմերից դուրս բացուող չորս արտիզներ, մէջանցողով դմբէթակիր չորս ազատ մոյթեր: Այսինքն՝ Բազարանի թեման:

Ընդհանուր դժերով, Բազարանը (624-631 թթ.) ունի հետեւեալ յատկազոյն կազմը՝ համակեդրոն, մէկը միւսի մէջ տեղադրուած քառակուսիներ, արտաքին քառակուսիի երկայնքով ընթանում է շէնքը պարփակող պատը, որը զլիսաւոր առանցքների ուղղութեամբ բացուած է դէպի դուրս, կազմելով չորս արտիզ: Ներքին քառակուսու անկիւններում տեղադրուած են դմբէթակիր չորս ազատ մոյթեր: Կեդրոնական քառակուսու կողմը ունի 5,45 մեթր (5,48 մ.) երկարութիւն, արտաքին քառակուսու ներքին կողմը՝ 11, 15 մ. (11,70 մ.), խաչուող թաղերի դադաթի բարձրութիւնը հասնում է 11,30 մեթրի, դմբէթի դմբէթակիր օղակը սկիզբ է առնում 12,10 մեթրից:

Մինչեւ եղբայրատերը հասնող, դիտողի համար արտիզների խորքից ընկալուող թաղերի ծածկը, խաչման հատուածում վեր սլացող դմբէթի հետ, կազմում են միահամուռ ամբողջութիւն ու դերիչ-խում է ներքին տարածութեան վրայ, արտաքուստ դրսեւորւում են ամբողջ կառոյցի էութիւնը, նոր ձեւ տալիս շէնքին: Արտիզների ծածկի համեմատութեամբ թաղերի բարձրանիստ լինելը, դմբէթով պսակուած վերնաշէնքին տալիս է իւրայատուկ շեշտաւորում: Այս մտայղացումը, աւելի քան հայկականին հարազատ դարձաւ արեւմտեան ճարտարապետութեանը: Մի այլ յատկանիշ բազարանատիպ շէնքի կեդրոնում տեղադրուած, նրա հետ մարմնացած քառամոյթ դմբէթածածկ ցեղան: Շէնքի այս հատուածը, Ագաթանգեղոսի յիշատակած Գրիգոր Լուսաւորչի տեսիլքում, ստացել էր յատուկ նշանակութիւն եւ ինչպէս նշեցինք՝ պահպանուել էր հեթանոսական տաճարի կերպարը ու փոխանցուել քրիստոնէականին: Արդ, այդպիսի կազմ ունեցող ցեղան, հնարաւորութիւն է տալիս բարձրացնել մեծ ծաւալի եկեղեցիներ (Մրեն, Օձուն, Գայանէ Զ.-է-րդ դդ.): Այս

իւրայատկութիւնը կարեւոր է, քանի որ արեւմուտքի հասկացութեան համար, ծաւալը կապուած է մեծ չափի հետ: Այնտեղ չափանիշը տարբեր է, նրա բաղադրեալները բաղմամբ: Շինարարական տեխնիկան փաստացիօրէն զարգացման սահմանում չունի, ձգտում է յանդգնութեան դադաթնակէտին: Այս հարցում համոզուելու համար, բաւական է իրար համեմատել հայկական դմբէթների եւ արեւմտեան դմբէթների տրամագծերը: Ճարտարապետական կառույցներում, սակայն, կարեւորը կերպարի կարողական հնարաւորութիւններն են. օրկանական յատկութիւնները օժտուած են զարգանալու ունակութեամբ: Բազարանի օրինակում մոյթերը աւելի մօտ են տեղադրուած անկիւններին, քան էջմիածնի Կաթողիկէի կառուցուածքում: Մոյթը եւ անկիւնապատը միասնացած, դառնում է ամբողջական յենարան եւ խաչուող թեւերի պատերի մասնակցութեամբ կազմում դմբէթը կրող հաստատուն ներքնաշէնք: Նման սխեման հնարաւորութիւն է տալիս միացնել խաչուող թաղերի համակարգը դմբէթի հետ, կառուցել աւելի լայն դմբէթակիր օղակ, հետեւաբար մեծացնել դմբէթի տրամագիծը, եւ դրանով իսկ զարգացնել վերնաշէնքը:



Ճարտարապետական ձեւերի արտահանումը կատարւում է տարբեր ճանապարհներով. շարժառիթներից մէկը Վեստկոթերի դաղթն է արեւելքից արեւմուտք: Հիւսիսային Կովկասում նրանց ներկայութեան մասին վկայում է Մովսէս Խորենացին: Այդ վայրերից ու Սեւ ծովի ափերից Դ. դարի վերջերին Վեստկոթերի դաղթում են դէպի արեւմուտք, մէկ ճիւղը հաստատուում է Իտալիա (Օստկոթեր), միւսը հարաւային Ֆրանսա, ընտրելով Դուլուզը որպէս մայրաքաղաք: Օիրիի թաղաւորի օրօք (466-484 թթ.) նրանք նուաճում են Սպանիան: Վեստկոթերի գլխաւոր քաղաքները եղել են՝ Պարսելոնան, Դոլետոն եւ Մերիտոն. նրանց իշխանութիւնը տեւեց մինչեւ Սպանիայի նուաճումը արաբների կողմից (711 թ. Գորտոփան հռչակում է էմիրութեան մայրաքաղաք):

Պատմութեան մէջ, Վեստկոթերը թողել են եկեղեցիներ, պալատներ, քաղաքներ, կառուցող ժողովրդի յիշատակ: Այդ շէնքերից սակայն, մեզ հասել են սակաւաթիւ նմուշներ: Դրանցից մեզ հետաքրքրողը հետեւեալն է՝ Կատալոնիայում մինչ օրս լաւ պահպանուած Ս. Միգուել եկեղեցին (Է. դ.) քառակուսի ծաւալով պարփակուած խաչաթեւ տարածութիւն, արեւելեան մասը վերջանում է արսիդով, թեւերը թաղածածկ են, կեդրոնական հատուած

ծում վեր է խոյանում տրոմպերի փոխանցումով դմբէթը: Անկիւններում տեղադրուած են չորս փոքր սենեակ, թաղերը եւ արաիդը եպիսկոպոս Թէոտուլֆը, իր երկրի Ս. Միգուել Տերրասա եկեղեցին բնորոշող մի շարք տարրերը կրում են արեւելքի աղեցցութիւնը:

Ֆրանսա ապաստան գտած, Կոթ ծաղում ունեցող, Օրլէանի եպիսկոպոս Թեոտուլֆը, իր երկրի Ս. Միգուել Տերրասա եկեղեցու նմանութեամբ, կառուցեց Օռլէանում Ժերմինի-տէ-Պրէ (806 թ.) կաթողիկէն: Մէջբերենք Ֆրանսիացի երկու արուեստաբանների կարծիքը: Պ. Լավեղան գրում է. «Կեդրոնակազմ այս եկեղեցու կերպարը Ֆրանսայում հետագայ զարգացում չունեցաւ, Ժերմինի տրոմպերի վրայ յենուող դմբէթը կառուցողական նորութիւն էր մեղ մօտ» (4): Հ. Ֆոսիյոնը աւելի բացայայտ է իր արտայայտութեան մէջ. Սպանիայի՝ հիւսիսում Ս. Միգուել տէ Լինեոն եւ Ժերմինի-տէ-Պրէն «մէկը եւ միւսը անկասկած կապուած են անձանթ նախատիպի, սա էլ իր հերթին ներշնչուած է արեւելեան մոտեցից՝ անկասկած հայկական կաթողիկէ էջմիածնից, վերակառուցուած 618 թուին» (5):

Բաղարանատիպ եկեղեցու տարածման մի այլ ճանապարհը ընթացաւ Բիւզանդիայի ուղղութեամբ: Յիշենք նախ եւ առաջ Ֆոտիոյի եւ Կոստանտին Միրանածին կայսեր (երկուսն էլ ունեն հայկական ծագում) կողմից նկարագրուած այսօր դոյութիւն չունեցող պալատական «Նեա» (նոր) եկեղեցին: Մէջբերենք յոյն գիտնական Զ. Տիմիդրոկալիսի տողերը. «Նկարագրութիւններից հետեւում է, որ եկեղեցին ունէր ներդրած յունական խաչով յատկադիծ, անկիւնային սենեակներ, դմբէթակիր, չորս աղատ մոյթեր: «Նեա»ն կառուցուել է 868 թ. եւ պէտք է նկատել իրբեւ Եւրոպայում կառուցուած այդ տիպի առաջին եկեղեցին» (6): Նոյն հեղինակը իր աշխատութեան վերջում գրում է. «Միւլան քաղաքի Ս. Սարդերոյի (868-881 թթ.) ճարտարապետական տիպը ծաղել է Հայաստանում (էջմիածին, Բաղարան) եւ Փոքր Ասիայի միջնորդութեամբ փոխանցուել է թէ՛ Յունաստանին, թէ՛ Արեւմուտքին: Փոխանցումը տեղի է ունեցել Թ. դարի վերջերին, այսինքն այն շրջանում, երբ առկայ են այդ տիպին պատկանող բազմաթիւ օրինակներ՝ Ս. Սա-

3) P. Lavedan, *Histoire de l'Art*, Paris, 1944, p. 32.

4) Նոյնը, էջ 79:

5) H. Focillon, *Art d'Occident*, Paris 1947, pp. 17-18.

6) G. Dimitrocallis, *Osservazioni sull'architettura di san Satiro e sull'origine delle chiese tetraconche altomedievali*, Milano 1969, p. E. Arslan, Storia di Milano, 1954.

շերտն (Միլան), Ժերմինի-տէ-Պրէն (Օռլէան), Սալոնիկի Պերիս-տերո եկեղեցին, Կաստորոյի եկեղեցին եւ, անկասկած, մի շարք այլ եկեղեցիներ, որոնք այսօր զոյութիւն չունենք:

Մի այլ փաստ եւս: Քաղկեդոնեան եռաթեւ թերակղզու արեւելեան ելուստը՝ Աթոսը, 50 քլ. երկարութեամբ ձգուած է Եգէական ծովի մէջ, Հարաւ-արեւելեան մասում բարձրանում է Աթոս լեռը (2033 մ.), Հոմերոսի, Էսկիլեսի յիշատակած Սուրբ լեռը (Ալիոն օրոս): Այսօր Աթոսը Յունաստանի ինքնավար մարզ է. ուղղափառ միաբանութեան տիրոյթ, կազմուած՝ Ժայռերի մէջ ընկան 20 ամրացուած վանքերից: ԺԳ. դարում վանքային միաւորների թիւը հասնում էր 300-ի: Վաղ միջնադարում քրիստոնէական ճգնակեցութեան կեդրոններից էր, երկու անգամ (830 թ.ին եւ 866 թ.ին) արարներէից ասպատակուած:


Աթոս լեռան վրայ վանական կեանքը սկիզբ առաւ երբ Հայագիւի ազնուական ընտանիքի դուստր, կայսր Նիկեփոր Փոկասի (963-969 թթ.) խորհրդով, նրա ազգական Աթանաս Տրապիզոնցին (հետագայում մականուանուած՝ Աթոնացին) Ստուդիոնի Ս. Յովհաննէս վանքում ուսանելուց յետոյ, Հաստատուեց Աթոսում: Այն-հանձնէս վանքում ուսանելուց յետոյ, Հաստատուեց Աթոսում: Այն-հանձնէս վանքում ուսանելուց յետոյ, Հաստատուեց Աթոսում: Այն-հանձնէս վանքում ուսանելուց յետոյ, Հաստատուեց Աթոսում: Այն-հանձնէս վանքում ուսանելուց յետոյ, Հաստատուեց Աթոսում: Այն-հանձնէս վանքում ուսանելուց յետոյ, Հաստատուեց Աթոսում:

Մեծ Լավրան, կառուցուած 963-970 թթ., տեղադրուած է Աթոս լեռան արեւելեան ծայրամասում եւ նուիրուած է նրա Հիմնադիր՝ Աթանոս Աթոնացուն: Վանքը, նման միջնադարի ամրոցապատ աւաններին, չրջապատուած է աշտարակաւոր պարիսպներով, նրանց հարած, դէպի բակը բացուող օժանդակ շինութիւններով, որոնք կազմում են՝ մասնատուած, ամբողջ երկայնութեամբ ձգուած հողամասի պարագծով ընթացող պաշտպանական դռին: Ներքին աղատ տարածութիւնում եւ գլխաւոր առանցքի երկարութեամբ տեղադրուած են գլխաւոր եկեղեցին, նրա առաջը բացուող կեդրոնական երկու սիւներով վեց հատուածների բաժանուած նախասրահ եւ հիւսիսային ու հարաւային կողերին հպած, նախասրահից մուտք ունեցող, գլխաւոր եկեղեցիի տիպով կառուցուած երկու մաստուռներ: Աւելի ուշ շրջանի դործ է համարուած երեք եկեղեցիների արեւմտեան հատուածի ամբողջ երկայնքով կառուց-


ուած կամարաշար նախամուտքը, որի դիմաց գտնուում է սուրբ ջրի աղբիւր (Ֆիայա) եւ խաչածեւ յատակադժով՝ սեղանատունը: Պաշտամունքային շէնքերը մէկ առանցքի երկայնքով տեղադրելը եւ նրանց դասաւորումը հաստատող սկզբունքները կապուած են յունական եկեղեցու ծիսականութեանը, հետեւաբար չեն առնչուում մեր նւթի հետ: Մեզ հետաքրքրում է գլխաւոր եկեղեցին՝ Կաթողիկոնը: Ներքին քառակուսի եռակոնք տարածութիւն, արեւմտեան արտիղը հաւանաբար վերացուել է նախասրահի կառուցման ժամանակ, այս պատճառով Յ. Ստրժիկովսկին, Ջ. Տիմիդերոկալիսը դասում են եկեղեցին քառակոնք կառուցուածքների խմբում: Կեդրոնական քառակուսիի ծայրերում տեղադրուած են չորս, քառակուսի, ազատ մոյթեր: Գմբէթը տրոմպերի փոխանցումով վեր է խոյանում, իշխելով ներքին տարածութեան վրայ: Ներքին ձեւը իր ամբողջութեամբ ընթեռնելի է արտաքուստ, բացառութիւն են կազմում արեւելեան ճակատի գլխաւոր խորանը եւ երկու աւանդատները, որոնց արտիղներն արտաքուստ եռանիստ են:

Գլխաւոր եկեղեցու հիւսիսային եւ հարաւային արտաքին պատերին կցուած են մինչեւ արտիղները հասնող մէկական մատուռներ: Ներքին տարածութիւնը քառակուսի է, ունեն գմբէթակիր չորս ազատ սիւներ: Մատուռների երկրորդական նաւերը վերջանում են պատերի հաստութեան սահմաններում իրականացուած արտիղներով, մինչդեռ կեդրոնական արտիղն արտաքինից կրկնում է ներքին կիսաշրջանի ձեւը: Մատուռների համեմատութեամբ աւելի ներս տեղադրուած գլխաւոր եկեղեցու եւ արեւմտեան ճակատի ամբողջ երկայնութեամբ ձգուող պատի միջեւ ընկած տարածութիւնը ծառայում է որպէս նախասրահ, ուր բացուում են մատուռների աւելի փոքր նախասրահները:


Աթոսի վանքերի եկեղեցիները՝ Վատոպեդին (Ժ. դարավերջ); Կիլիկաբերին (1197 թ.), նոյն շրջանին պատկանող Իվիրոնը, եւ ուրիշները, այսինքն Բալսի ցուցակում նշուած ութը եկեղեցիները, բոլորն հիմնականում կրկնում են Մեծ Լավրայի Կաթողիկոնի յատակադիւծը, որի համեմատութեամբ տարբերութիւնները փոքր են՝ երկարած է գլխաւոր խորանի առաջ գտնուող տարածութիւնը, եւ թողնում է առանցքի ուղղութեամբ աւելի ձգուած լինելու տպաւորութիւն, մոյթերը փոխարինուած են սիւներով: Այս հանգամանքը նշանակալից է, միայն Մեծ Լավրայի գլխաւոր եկեղեցու գմբէթի յենարանները քառակուսի մոյթեր են: Հայազգի Աթանաս Աթոնացին լաւ էր յիշում էջմիածինը եւ նրանից հետեւած Բազարանը, որը նախատիպ ծառայեց իր կառուցած եւ նրանից հետեւած Աթոն լերան ութը եկեղեցիներին համար:




վաղարշապատի Ս. Էջմիածին կաթողիկէն (Ե. դ.) :




Ժերմինի-տէ-Պրէ (Թ. դ. սկիզբ), կառուցել է
Իսպանիայից մերգաղթած, վեսթկոթ ծագում ունեցող
Օրլեանի եպիսկոպոս Թէոդուլֆը :




Լեռնաբաժնի տա վիճակի, կերպարանակազմ շենքի
գրչագրի՝ Աղբերանայի կողմից Բ, թերթ 57:




Բազարան՝ Ս. Յովհաննէս Մկրտչի եկեղեցին,
կառուցում 621-628 թթ. (այսօր հիմնայատակ բանդում):




Սան Սատիրոյի մատուռը, Միլան, (868-881 թթ.),
վերակազմուած Բրամանտէի կողմից 1482 թ.:




Մեծ Լարվան, Աթոս լեռ, կառուցել է հայազգի Աթանոս Աթոնացիս
963-1004 թթ.:



Կիլանդար կաթողիկէն, Աթոս
լեռ, կառուցել է 1197 թ. սերպ
իշխան Ստեփան Նեմանեա, վե-
րակառուցուել՝ 1293 թ.:



Լէոնարդո տա Վինչի, ուրը
մատուռանի եկեղեցիի նախագիծ:
Ազրերմիայմ կողեկս հմ. 2037,
թերթ 5:



Լեռնաբաժնի տա վիմի, քաղաքի, գմբեթակիր չորս ազատ
 մոյթերով եկեղեցիի նախագիծ: Արքեպիսկոպոս Կոզմե
 և. 2037, քերք 3:



Միշտ է՛, սակայն, որ օտարամուտ ձեւը հարազատ է դառնում այդ երկրի ճարտարապետութեանը: Պ. Լաւեղանից, Հ. Փոսթիոնից մէջբերուած տողերը պարզ ասում են այդ մասին: Բարանատիպ կառուցուածքների զարգացումը կատարուեց միայն Վերածնունդի ժամանակ: Ուստի «օտարամուտ ձեւի» իւրացման, հետագայ զարգացման հարցը, կապուած է այլ խնդիրների: Դրանցից կարեւորագոյնը, մեր կարծիքով, տեսական եւ գեղագիտական ստանդոլութիւնն է:

Այս իմաստով Վերածնունդը շարունակեց զարգացնել միջնադարի արուեստի դիտական ըմբռնումը: Միջնադարում, երկրաչափութիւնը՝ առարկաները պատկերելու, նրանց ներքին կարգը մեկնաբանող ճանաչողութիւնն է: Որպէս գիտակարգ նա կազմում է արուեստների մեթոտական հիմքը, ստեղծագործութեան սկիզբը ու իտէալը, շինարարական տեխնիկայի հրահանգը, կերպարի գեղագիտական ընկալումը: Երկրաչափականացնելով տարածութիւնը, տեղութիւնը դարձել էր առարկաները ճանաչելու փորձնական ունակութիւն, իսկ տեսանկիւնը կապ էր երկրաչափական սխտեմի եւ մարդու միջեւ: Մարդը որպէս կեդրոն, Վերածնունդի մտքի էական դրոյթներից է, որի հետ կապուած է «հեռանկարի» զարգացումը:

Մոնումենտալիզմը, կեդրոնականութիւնը, ուղղաձիգութիւնը ճարտարապետութեան դասական մտքի էական յատկանիշներ են, եւ նպաստեցին կեդրոնակազմ կառուցուածքի տարածմանը:

Ինչպէս արդէն նշեցինք, Ե.—ԺԲ. դարերի արեւմտեան պաշտամունքային շէնքերից միայն մկրտարաններ են կառուցուած կեդրոնակազմ տիպերի հիմքերով: Շատ աւելի ուշ, այսինքն ԺԵ. եւ ԺԶ. դարերում, դմբէթի, բայց առաւել եւս դմբէթաւոր շէնքի կազմը, դարձաւ իտալացի ճարտարապետների հիմնական խնդիրը, իսկ խաչաձեւ յատակադժով, դմբէթակիր չորս ազատ մոյթերով շէնքը, առաջին անգամ գծագրուեց Լէոնարտոյի կողմից: Սոյն տիպի Յունաստանի օրինակները՝ Աթոս լեռան Մեծ Լալրան, Վատոպեղին, Կիլիստարը, Սալոնիկի Պերիստերոն եւ մի շարք այլ եկեղեցիներ իրադրոծուել են Թ.—ԺԲ. դարերում (Միլանի Ս. Սատիրոն Թ. դարի կառուցուածք է): Այսքանից հետեւում է, որ արեւմուտքի ճարտարապետութեան մէջ, սոյն տիպը մօտաւորապէս երեք դար ընդհատումից յետոյ, նորից գրաւեց ճարտարապետների հետաքրքրութիւնը, թէկուզ եւ ելակէտ ընդունելով Լէոնարտոյի հնարած ձեւը:

Հարցը միայն փոխանցումների խնդիրը է: Մի քանի դար շարունակ խաչածեւ յատակագծով դմբէթածածկ քառամոյթ շէնքի կերպարը հետաքրքրութիւն չառաջացրեց արեւմուտքում, կամ կերպարը հետաքրքրութիւն չառաջացրեց արեւմուտքում, կամ մատնուեց մոռացութեան: Տէ Անջելիս տ'Օսսան նկատի ունենալով Միլանի Ս. Սաղիրոն, անուանում է այդ մատուռը «օտարամուտ», որը եւ, դարեր շարունակ, Իտալիայում եղաւ այդ տիպի միակ օրինակը:

Մեզ թւում է անբաւարար, երբ ձգտում ենք, օրինակ, Բագարանատիպ եկեղեցիների արեւմուտքում դտած յաջողութեան Հարցը պարզել ելնելով միմիայն տիպարանական դրոյթներից: Առանձնապատուկ նշանակութիւն ունեցող, իմաստով մասնաւորութեամբ, ուրոյն յատուկ նշանակութեամբ բնորոշութեամբ ճարտարապետական ձեւի զարգացումը որոշ շրջանում ընդհատում է, ապա՝ հետագայ դարերում, նորից որոշ շրջանում ընդհատում է, ապա՝ հետագայ դարերում, նորից յատուկ դրաւելով ճարտարապետների հետաքրքրութիւնը: Պատմութիւնը ցոյց է տալիս, որ տարբեր շրջաններում կատարութեամբ ձեւերի ընտրութիւնը, նրանց զարգացումը առնչում է այդ շրջաններին յատուկ ձեւաբանական հասկացութեան հետ: Այսպէս՝ միջնադարում նշանաբանական իմաստաւորութեամբ որոշակիօրէն սահմանութեամբ երկրաչափական պարզ պատկերներ, դմբէթածածկ քառակուսին, ուղղաձիգ առանցքի շուրջը կազմակերպութեամբ ձեւերը, յատկապէս հայկական ճարտարապետութեան դասական ոգով կերտութեամբ շէնքերը, շէնքում են կեդրոնականութեան դադափարը: Բայց հենց այս մտքի շուրջը Վերածննդի ժամանակ կատարուեց ամենահիմնական յեղաշրջումը՝ կեդրոնականութեան հասկացութիւնը կորցրեց կրօնական իմաստը, մարդն իր ամբողջ հասակով կանգնեց տիեզերքն իրեն ենթարկող, այսինքն՝ բոլոր ուղղութիւններով հաւասարաչափ ճառագայթող պատկերի կեդրոնում: Տարածութեանը տրուեց գեղագիտական նոր իմաստաւորութեամբ, անցեալի դասական արուեստը դարձաւ Դոսկանայի, ապա՝ հռոմէական հումանիզմի իտէալը:

Վերածննդի միտքը ժառանգելով դասական շրջանի եւ միջնադարի մտածողութիւնները, ընթացաւ անկախ, բոլորովին այլ ուղղութեամբ: Նոյնը շինարարութեան բնագաւառում՝ Միքելանջելոյի Ս. Պետրոսի կառուցութեամբ շարունակում է հռոմէական իրագործումների (Դոմուս Աուրիա, 65-70 թթ., Միներվա Մետիկա, Դ. դ.) ֆլորենցիական-լոմպարդական աւանդութեան ինչպէս եւ Բրունելլեսկիի, Պրամանդէի, Սան Գալլոների մշակած շինարարական սխեմաների հիմունքները:

Մոնոպոնտալիզմը շեշտաւորում է ձեւի հոետորականութիւնը, կապուած է տարածութեան նշանաբանական պատկերացումին եւ, առանցքների միջոցով, օգտագործելով չափանիշների հակադրութիւններ, արտայայտում է սոցիալական իրականութիւնը, քաղաքական, կրօնական իշխանութիւնը:

Ճարտարապետական ձեւերի, շինարարական փորձառութիւնների, տեսական մտածողութիւնների հարուստ ժառանգութիւնը, գտնելու էր այդ արժէքների համադրած արտայայտութիւնը: Գրտնելու էր կեդրոնականացնող, հետեւաբար բոլոր ուղղութիւններով ճառագայթող, գլխաւոր առանցքներով դասաւորուած, Հռոմի քաղաք-եկեղեցական միշտ աւելի ընդարձակող իշխանութեան մեծութիւնը կերպարող, բայց յատկապէս Վերածնունդի մարդու աշխարհընկալումը, հումանիզմը արտայայտող ճարտարապետական ձեւը: Իսկ ձեւը, ինչպէս նշել ենք, կապուած է արխետիպերին, յարատեւում է որպէս իմաստներով հարուստ երկրաչափական դժապատկեր, ձեւն առաջացնող կառուցողական կորիզ: Արուեստի դործում ներփակ սխտեմը նրա արտաքինում ծաւալուող տարրերը միաձոյլ են, երբ արտայայտչական, ինչպէս եւ կառուցողական միջոցները շարադրուում են սխտեմի նախադրեալների հիմունքներով: Իսկ սխտեմն օժտուած է նախաձեւը, այսինքն՝ արխետիպը պատկերելու կարողական արտայայտչականութեամբ: Եւ երբ գալիս է պատմական ժամը, ստեղծւում են սոցիալական բարենպաստ պայմանները, կարելի է իրագործել մեծ համադրութիւնը: Բազարանը, մեր կարծիքով, եղաւ այդ համադրութիւնը թելադրող սկզբնաձեւերից մէկը: Բազարանը եղաւ կորիզային այն կերպարը, որի շուրջը եւ նրա կազմում հաստատուած կարգով, Վերածնունդի ճարտարապետները կերտեցին կեդրոնական, չորս ազատ մոյթերի ու չորս խորանների համակարգով կառուցուած զմբէթածածկ եկեղեցիներ:

CONCERNING THE PROPAGATION OF THE BACCARAN ARCHITECTURAL STYLE IN EUROPE

ARMEN ZARIAN

After the advent of Christianity to Armenia, a great number of temples, dedicated to the new religion, are built in two different architectural styles, namely, the basilica, and the vaulted or convex. Of the latter type we have the Etchmiadzin (reconstructed in 618) and the Baccaran (erected, 624-631) temples. Armenians preserve the architectural form of their pagan temples in the edifice of their churches. In the course of time, the vaulted style becomes dominant. This idea of centralism in architecture leads to the anthropocentric conception, which gives the Armenians an objective outlook even in ancient times. A correlation is discerned here between Armenian thought and that of Leonardo da Vinci, whose sketches demonstrate his interest in centralized themes. The idea of architectural centralism travels to the West through different channels, one of which is the moving of the Visigoths from the East to the West. The churches the West Goths build in France indicate the existence of an archetype which bears the stamp of inspiration of an Eastern model, indubitably that of Etchmiadzin. The convex architectural style of Baccaran moves to the West also through Byzantium. Atanas of Aton, at the request of the Emperor, Nicephorus Phocas (963-969), both of Armenian origin, establishes abode in Atos, starts an order, and builds the temple of the Great Lavra, whose plan and style are those of Etchmiadzin and Baccaran. For some time, the convex architectural style is forgotten. During the Renaissance, however, as a reflection of the thinking of the time, the building of churches of this style is resumed in Europe.